

Ilanngussaḡ C



INATSISARTUT

Inatsisartut ataatsimiititaliaat:

1. Ilaqtariinnermut Peqqissutsimullu Ataatsimiititaliaq
2. Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq
3. Aalisarnermut, Piniarnermut Nunalerinermullu Ataatsimiititaliaq
4. Inuussutissarsiornermut Ataatsimiititaliaq
5. Aatsitassanut Ataatsimiititaliaq
6. Sanaartornermut Ataatsimiititaliaq
7. Eqqissimatitsinermut Avatangiisinullu Ataatsimiititaliaq
8. Nunanut Allanut Sillimaniarnermullu Ataatsimiititaliaq
9. Inatsisinut Ataatsimiititaliaq

Ulloq 29. september 2015
Sags.nr.: 01.31.11-00015

Naalakkersuisut 2016-mi aningaasanut inatsisissatut siunnersuutaat (AIS 2016)

1. Aallaqqaasiut

Naalakkersuisut 2016-mi aningaasanut inatsisissatut siunnersuutaat februarip naalernerani tamanut saqqummiunneqarpoq. Aningaasaqarnermut Ataatsimiititaliap februarip naalernerani 2016-imi missingersuutit pillugit isumasioqatigiinnermini siunnersuut suliaraa.

Ataatsimiititaliat susassaqtut suliaasat annertuumik aningaasatigut soqutiginaatillit naliliivigineqartarnerini akuutinneqarnissaat Aningaasaqarnermut Ataatsimiititaliap assut pingaartittarpa.

Taamatuttaaq ukiumoortumik aningaasanut inatsisissat naliliivigineqarneranni ataatsimiititaliat susassaqtut taperseeqataanissamut aamma periarfissaqarnissaat pingaaruteqarpoq, tamatumani ukiumi tullermi aningaasat ukiuata atuuffiani ukiunilu missingersuusiorfinni nunatta karsia aqqu-tigalugu aningaasaliissutissat ataatsimoortumik tulleriariffigineqartarmata. Aallarniutigaluguli maluginiaqqunegassaaq ataatsimiititaliap suliaasaqarfiata iluani aningaasartuutaanerussutissanik kammattuutegarnissaq siuarsaanissarluunniit Aningaasaqarnermut Akileraartarnermullu Ataatsimiititaliamit periarfissaqarfineqanngimmat, tassa tamatuma peqatigisaanik tamakkiisumik aningaasalersuutissatut siunnersuutiniq ataatsimiititaliaq saqqummiussinngippat.

Tamanna siunertaralugu allakkiaq una nassiunneqarpoq.

2. Aningaasaqarnermut Akileraartarnermullu Ataatsimiititaliap 2016-mi aningaasanut inatsisissatut siunnersuummik misissuineri

Aningaasanut inatsisissatut siunnersuummi pingaarnertut anguniakkanut isummersornissaq Aningaasaqarnermut Akileraartarnermullu Ataatsimiititaliap misissuinermini aningaasanut inatsisissatut siunnersuutit ilaatigut piumasaqaatit makku tunngavigalugit naliliiviginissaa pingaartippaa:

- a. Suliniutit nutaat
- b. Missingersuutiniq allannguinerit annertuut
- c. Amigaatit annertuut
- d. Immikkoortuni atuivallaarfiusimasuni iliuitsit
- e. Naammassineqanngitsut.



INATSISARTUT

Aningaasanut inatsisissatut siunnersuummik misissuinini tunngavigalugu Naalakkersuisunut apeq-qutiniq Aningaasaqarnermut Ataatsimiititaliaq saqqummiussissaaq.

3. Aningaasanut inatsisissatut siunnersuutip katitigaanera

2016-mi aningaasanut inatsisissatut siunnersuut inatsisissatut siunnersuuterpiamik aamma

- ilanngussaq 1-imik, aningaasaliissutitut takussutissiaasunik aamma
- ilanngussaq 2-mik, oqaasertaliussanik *oqaasertaliussanullu atasunik nassuiaatinik* katitigaavoq.

Tamatuma saniatigut ilaapput

- nalinginnaasumik nassuiaatit aamma
- takussutissiat.

Kiisalu ilaapput ilanngussaq 1-imi aningaasaliissutitut tunngatillugu *missingersuutitut ilanngussat*.

4. Ataatsimiititaliat susassaqtut naliliinerat tulleriinnilersuinerallu

Ataatsimiititaliat susassaqtut namminneq susassaqtarfimmittut tunngatillugu aningaasaleeriaatsit assigiinngitsut tamaasa eqqarsaatigalugit aningaasaliissutissatut siunnersuutit aammalu oqaasertaliussassatut siunnersuutit sukumiisumik misissornissaat qulakkeertariaqarpaat.

Ataatsimiititalianit naliliivigineqartariaqarpoq

- suliassat pingaarutillit missingersuusiorfigineqarsimanersut aammalu
- aningaasat suliassanut ilaatillugit suliavineqartussat akornanni naapertuuttumik agguataarneqarsimanersut. Tassunga atatillugu ataatsimiititalianittaag eqqumaffigineqartariaqarpoq 2015-imi aningaasanut inatsimmut sanilliullugu qanoq annertutigisumik allanngortitsisoqarsimanersoq.

4.1 Ingerlatsinermut aningaasartuutit

Tamatuma kingorna *ingerlatsinermut aningaasaliissutitut* aamma *tapiissutitut aningaasaliissutitut* ataatsimoortumik aningaasartuutissatut Naalakkersuisut tulleriinnilersuutissatut siunnersuutigisaannit allaanerusumik tulleriinnilersuisogarnissaanik siunnersuuteqar-nissamut ataatsimiititaliat pissutissaqarsorigunik qinnuigineqarput tamanna pillugu siunnersuummik erseqqinnerusumik tunngavilersukkamik Aningaasaqarnermut Ataatsimiititaliamut nassiusseqqullugit. Taamaaliortoqassappat tamatumunnga erseqqilluinnartumik piumasagaataavog ingerlatsinermut tapiissutitullu aningaasaliissutitut ataatsimoortumik aningaasartuutissatut atugassarititaasut iluanni allatut tulleriinnilersuinissamik sipaaruteqarnissamilluunniit siunnersuutip kinguneqarnissaa.

4.2 Sanaartornermut aningaasaliissutit

Aningaasaleeriaatsip taassuma iluani sanaartugassanut aningaasaliissutit akornanni allatut tulleriinnilersuisoqarnissaa siunnersuutigineqarsinnaavoq.

4.3 Nalinginnaasumik nassuiaatit oqaasertaliussallu

Ataatsimiititaliat susassaqtut aamma naliliivigisariaqarpaat *nalinginnaasumik nassuiaatit* aammalu ataatsimiititaliap susassaqtarfiata iluani *oqaasertaliussassatut* siunnersuutigineqartut oqaaseqarfiginissaat pisariaqarnersoq. Matumani immikkut malugeqquneqarpoq oqaasertaliussat inatsisip oqaasertaatut atuummata, taamaattumillu inatsisiliornermut nalinginnaasumut atatillugu atuutsitsinnginnissamik imaqarsinnaallutik.



INATSISARTUT

Aningaasaqarnermut Akileraartarnermullu Ataatsimiititaliaq ataatsimiititaliap suulluunniit susassaqaqarfiata iluani aningaasartuuteqarnerunissamik kaammattuuteqarsinnaangilaq, tamanna tamatuma peqatigisaanik aningaasalersuinissamut siunnersuummik ilaqartinneqanngippat.

5. Ataatsimiititaliat eqqarsaatigalugit aningaasanut inatsisissatut siunnersuutip agguataagaanera

Aningaasanut inatsisissatut siunnersuummi kontoqarfiit ataasiakkaat ataatsimiititalianut susassaqaqartunut ima aggutaarneqarsinnaasutut isigineqarput:

Inatsisinut Ataatsimiititaliaq

Kontut pingaarnerit 10.01.01, 10.01.10, 10.06.10, 10.06.11, 10.11.10, 20.01.01 aamma 20.05.31

Nunanut Allanut Sillimaniarnermullu Ataatsimiititaliaq

suliassaqaqarfik 12 aamma 27

Ilaqutariinnermut Peqqissutsimullu Ataatsimiititaliaq

suliassaqaqarfik 30 34-ilu aamma siunertanut kontut 83.30 aamma 86.60.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq

suliassaqaqarfik 40 aamma siunertanut konto 84.40

Aalisarnermut, Piniarnermut Nunalerinerimullu Ataatsimiititaliaq

suliassaqaqarfik 50 51-ilu

Inuussutissarsiornermut Ataatsimiititaliaq

siunertanut kontut 10.13, 20.12, suliassaqaqarfik 62-64.

Aatsitassanut Ataatsimiititaliaq

konto pingaarnerit 66-67

Sanaartornermut Ataatsimiititaliaq

suliassaqaqarfik 70, 72, 73 aamma 89 kiisalu siunertanut kontut 77.01, 77.05, 80.00 aamma 87.11, 87.72 aamma 87.73.

Eqqissimatitsinerimut - Avatangiisinullu Ataatsimiititaliaq

suliassaqaqarfik 77.

6. Sipaaruteqarnissamut periarfissat?

Allakkani ukunani piffinni arlalinni takuneqarsinnaasutut aningaasalersuinissamut siunnersuutini peqatigisaanik ataatsimiititaliaq saqqummiussisimanngippat ataatsimiititaliap suliassaqaqarfiata iluani aningaasartuuteqarnerunissamik kaammattuuteqarnissamut Aningaasaqarnermut Akileraartarner-



INATSIARTUT

mullu Ataatsimiititaliaq periarfissaqanngilaq. Sipaarutissalli atugassiissutigineqarnissaannut peqatigisaanik siunnersuuteqanngikkaluarluni sipaarutissanut siunnersuusiornissamut ataatsimiititaliat susassaqtut tamatuma tunuarsimaartissanngilai.

Ataatsimiititaliat susassaqtut siunertanut ingerlatanullu suliassaqaqfimminni ataasiakkaani aningaasaliissutinik aningaasartuutinillu immikkut ilisimasaqarmata Aningaasaqarnermut Akileraartarnermullu Ataatsimiititaliaq naliliivoq ataatsimiititaliat susassaqtut suliassaqaqfimmik iluini sipaarutissatut atorluarneqarnerpaasunik aamma siunnersuuteqarsinnaasut.

Ataatsimiititaliat susassaqtut periarfissaq tamanna atorluaqqullugu aammalu aningaasaliissutit ikilineqarnissaannut siunnersuutinik saqqummiusseqqullugit Aningaasaqarnermut Akileraartarnermullu Ataatsimiititaliamit kaammattorneqassapput.

7. Ataatsimiititaliat susassaqtut akissuteqarnissaat

Ataatsimiititaliat aningaasanut inatsisissatut siunnersuummik misissuinertik tunngavigalugu akissuteqarnissaat Aningaasaqarnermut Akileraartarnermullu Ataatsimiititaliap ukiut siuliini qinnutigisarsimavaa. Akissuteqaatit Aningaasaqarnermut Akileraartarnermullu Ataatsimiititaliamut ataatsimut isigalugu iluaqutaasarsimapput, ataatsimiititaliali aammalu Aningaasaqarnermut Akileraartarnermullu Ataatsimiititaliaq naalackersuinikkut ingerlatsiveqarfinnut assigiinngitsunut assigiikannersunik apeqquteqarsimappata tamatuma kingunerisinnaasarlugu marloqiusamik sulisoqarsinnaasarnera.

Taamaattumik aningaasanut inatsisissatut siunnersuut pillugu Naalackersuisunut Aningaasaqarnermut Akileraartarnermullu Ataatsimiititaliap apeqquteqaataasa assilineranik allakkiamut matumunnga ilanngunneqartumik ataatsimiititaliat tigusaqassapput. Naalackersuisut akissutaat figunegariapata taakku assilinerat aamma nassiunneqarumaarpoq. Taamaaliornikkut ataatsimiititaliat apeqqutinik oqaaseqaatinilluunniit Aningaasaqarnermut Akileraartarnermullu Ataatsimiititaliamit saqqummiunneqareersunik saqqummiussisariaqannginnissaat Aningaasaqarnermut Ataatsimiititaliamit kissaatigineqarpoq.

Kiisalu ataatsimiititaliat **kingusinnerpaamik ulloq 14. oktober 2015-imi** akissuteqareersimanissaat Aningaasaqarnermut Akileraartarnermullu Ataatsimiititaliamit qinnutigineqarpoq.

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap Siulittaasua

Assinga: Kukkunersuineranut Ataatsimiititaliaq